

PROPOU DU VYO MANOLI

Quan djyon qu'a pâ oun âtre moundo, chin è pâ veréy, chéi yo que vo djoyô. I bon Dyù charey-t-i i bon Dyù ch'é croéi ou chan pâ pouney e e bon pa recompinchâ? Proeu chouéi oun dey quiërre chin véirre, ma vo djoyô que yo i yù. E chin qu'i yù oun dzo, oublieréi jaméi.

Iro apréi ën crojà 'na fouche. Quan bayéo e dari cou a fon d'a vieli fouche, ën plache de câquyè j'ou ché que contäe de tro? i yu a face frétsi d'ouna fenna u bon de choun tim, e dabô aprè to o cô, dzin vetey, coume o dzo d'a mô. Vo moujâ qu'i ju pui? Na. I pachâ a fon de hla fouche, de permè avoè hla môrta, a pli bêa voàrba de ma vyà. ën plache d'a pouantô du fon di fouche, vigney oun proeu bon chon di vioètte; portan îre pâ i cheijon di boquyè, e me chint''o oun bonhô qu'i jaméi cugnù ni dean ni apréi ché dzo. Chimblaë qu'i môrta me parlaë.

E' touto moujâ: îTe fô dère a Incourâ. Quan incurâ a yu hla môrta, èt'inû méi tranchey que hla que repajaë a fon d'a fouche. A îtâ dzintamën dean que pouey tarti oun mo, e apréi a di: « Hla ïnquyè charè proeu 'na chinta. Fodrey marcâ a Rome po féire a canonijâ, ma po chin fô de centime, no chin troa pouro. Torna a catchè e croeuja decoûte po o mô de deman. Tan chéi ju horoeu quan i decouè a môrta, tan i chouffè po â te catchè.

Incourâ ch'è toutoun acheytchà atô hla môrta. Ch'é traâ que ire oun' aÛla de Brignon, ënterraï cënquant'an dëan. Aey perdu a yûa qua aey pa ouco oun an. cha granta peyna ire de pa cognètre coume ire i face d'i moundo, e chutô d'i parin. Ire 'na bonna mata, bonna po préé, po chouportâ a chàvoa afflichyon avoe a pachyënce d'oun'andze, po féire pleyji a tchui. E vyô che chon adonnâ qu'o dzo d'ënterremen, oun bîtschon blan aey accompagnâ a quiéiche tan qu'u chinmityèro.

Et'ouna conta de
Dyan de Dzâque Marietou

Che di Bôrne _____